

Broj: 05-3859-8-1/22
Sarajevo, 30.11.2022. godine

Na osnovu člana 23. Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav (1) tačka g) Statuta Agencije za bankarstvo Federacije BiH („Službene novine Federacije BiH“, broj: 3/18), člana 64. stav (1) tačka a), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14) i člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14), a na osnovu preporuke Komisije za nabavke iz Zapisnika o pregledu i ocjeni ponuda broj: 05-3859-7-1/22 od 29.11.2022. godine, direktor Agencije za bankarstvo Federacije BiH donosi

ODLUKU

o izboru najpovoljnijeg ponuđača u postupku nabavke usluga – Lot 1 Usluge obaveznog i dobrovoljnog osiguranja radnika i osiguranje imovine (nekretnine)

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda – Lot 1, broj: 05-3859-7-1/22 od 29.11.2022.godine i ugovor za nabavku Usluga obaveznog i dobrovoljnog osiguranja radnika i osiguranje imovine (nekretnine) za potrebe Agencije za bankarstvo Federacije BiH (u daljem tekstu: Ugovorni organ) dodjeljuje se grupi ponuđača „Triglav osiguranje“ d.d. Sarajevo i „Sarajevo osiguranje“ d.d. Sarajevo.

Član 2.

Ukupna vrijednost ugovora iz člana 1. ove Odluke utvrđuje se u iznosu od 98.857,00 KM bez uračunatog poreza na dodanu vrijednost (PDV).

Član 3.

Nakon sticanja uslova Ugovorni organ će sa izabranim ponuđačem zaključiti ugovor o nabavci usluga, kojim će regulisati međusobna prava i obaveze.

Član 4.

Odluka će biti objavljena na internetskoj stranici Ugovornog organa: www.fba.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa odredbama člana 70. stav (6) i člana 71. stav (2) Zakona o javnim nabavkama.

Član 5.

Za izvršenje ove Odluke zadužuje se i ovlašćuje Sektor zajedničkih funkcija.

Član 6.

Ova Odluka stupa na snagu danom donošenja.

O B R A Z L O Ž E N J E

Odlukom o pokretanju postupka nabavke usluga, broj: 05-3859/22 od 24.08.2022. godine, odobreno je provođenje postupka javne nabavke osiguranja radnika i imovine za potrebe Ugovornog organa. Javna

nabavka provedena je putem otvorenog postupka, podijeljena na 2 Lot-a a kao kriterij za izbor najpovoljnije ponude odabrana je ekonomski najpovoljnija ponuda. U skladu sa članom 35. Zakona o javnim nabavkama, Obavještenje o nabavci broj: 3010-1-2-285-3-45/22 objavljeno je na Portalu javnih nabavki (www.ejn.gov.ba) dana 22.09.2022. godine, a sažetak Obavještenja o nabavci u „Službenom glasniku BiH“, broj: 66/22 dana 30.09.2022. godine. Ispravka obavještenja o nabavci, broj: 3010-1-2-285-8-46/22 objavljena je na Portalu javnih nabavki dana 30.09.2022 godine, a sažetak Ispravke obavještenja o nabavci u „Službenom glasniku BiH“, broj: 69/22 dana 14.10.2022. godine. Procijenjena vrijednost predmetne javne nabavke utvrđena je u iznosu od 145.000,00 KM, bez uračunatog poreza na dodanu vrijednost (PDV), od čega je procijenjena vrijednost za Lot 1 utvrđena u iznosu od 115.000,00 KM bez uračunatog poreza na dodanu vrijednost (PDV).

U skladu s Rješenjem Ugovornog organa, br. 05-3859-3/22 od 17.10.2022. godine, imenovana je Komisija za javne nabavke, kojim su definisane njene nadležnosti, a koje, između ostalog, uključuju poslove javnog otvaranja ponuda, pregled i ocjena dostavljenih ponuda, sačinjavanje zapisnika o pregledu i ocjeni ponuda, te davanje preporuke Ugovornom organu za donošenje odluke o izboru ponuđača.

Slijedom navedenog, Komisija je u okviru svojih nadležnosti i ovlaštenja provela predmetni postupak javne nabavke, te o tome sačinila Zapisnik o pregledu i ocjeni ponuda za Lot 1, br. 05-3859-7-1/22 od 29.11.2022. godine, u kojem je konstatovano da su u predmetnom postupku javne nabavke za Lot 1 pravovremeno pristigle ukupno 4 (četiri) ponude.

Na osnovu izvršene analize i ocjene pristiglih ponuda u pogledu kvalifikacijskih i cjenovnih uslova postupka javne nabavke, Komisija je utvrdila sljedeće:

- Ponuda grupe ponuđača „Triglav osiguranje“ d.d. Sarajevo i „Sarajevo osiguranje“ d.d. Sarajevo je prihvatljiva, obzirom da ista ispunjava sve uslove koji su propisani Tenderskom dokumentacijom te su dostavljeni svi dokazi zahtijevani Tenderskom dokumentacijom na propisan način;
- Ponude ponuđača „Adriatic osiguranje“ d.d. Sarajevo, „ASA osiguranje“ d.d. Sarajevo i „UNIQA osiguranje“ d.d. Sarajevo nisu prihvatljive, obzirom da iste ne ispunjavaju sve uslove za kvalifikaciju, tj. nisu ispunjeni svi uslovi vezani za tehničku i profesionalnu sposobnost kao i za tehničku dokumentaciju i tehničku specifikaciju kako je zahtijevano tenderskom dokumentacijom.

U sljedećoj tabeli daju se rezultati rangiranja prihvatljive ponude prema kriteriju za dodjelu ugovora, kako slijedi:

Br.	Ponuđač	Cijena	Efikasnost likvidiranih šteta u 2021. godini (G)	Rok isplate osigurane sume (S)	Bodovi
1.	Grupa ponuđača: „Triglav osiguranje“ d.d. Sarajevo i „Sarajevo osiguranje“ d.d. Sarajevo	60	30	10	100

Slijedom navedenog, Komisija je dala preporuku da se grupi ponuđača „Triglav osiguranje“ d.d. Sarajevo i „Sarajevo osiguranje“ d.d. Sarajevo, saglasno članu 69. stav (1) tačka a) Zakona o javnim nabavkama, dodijeli ugovor u predmetnom postupku javne nabavke usluga, obzirom da je ista prema ocjeni ponude osvojila najveći broj bodova.

U postupku donošenja ove Odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponude, u skladu sa kriterijima iz Tenderske dokumentacije.



Uvažavajući naprijed navedeno, primjenom člana 25., člana 64. stav (1) tačka a), člana 70. stavovi (1), (3) i (6) Zakona o javnim nabavkama, te člana 8. stav (2) tačka d) Pravilnika o uspostavljanju i radu Komisije za nabavke, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove Odluke, saglasno članovima 97., 99. i 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem Ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.


DIREKTOR
Jasmin Mahmuzić

Dostaviti:

1. Ponuđačima u postupku;
2. Sektor zajedničkih funkcija;
3. a.a.